

澚墅關志卷之十九

督理澚墅鈔關禮部祠祭清吏司主事陳常夏鑒定

蘇州府吳縣學纂修郡縣志廩膳生員孫珮纂輯

人物

澚之人物不敢濫書取其卓卓者別類而著之于集

道學

顧愚字元魯元末人遭亂隱居倡濂洛之學鄉黨宗之大石山下有達善書院卽其祠也明嘉靖間學使鍾繼英建

文苑

王璲字汝玉以字行穎敏強記明洪武末擢翰林五經博士永

澚墅關志

卷十九

一

樂初進春坊贊善嘗與學士解縉應制撰神龜賦璲第一名大振然忌者衆竟以他事下獄死洪熙初追贈太子賓客謚文靖兄璲弟璲孫鎧癸卯舉人

王璲字汝器授翰林院編修肄業文華堂命宋濂爲師尋授吏部主事

王璲後更名進字汝嘉孝親敬兄一本至性嘗坐累謫五開衛軍明成祖一日問汝玉曰聞汝有弟今安在汝玉叩首以實對命取回試天馬歌并經義二道除大庾縣訓導後召修水樂大典充副總裁陞翰林院五經博士秩滿進待講主考鄉會試者六洪熙初建弘文閣與楊溥陳繼等日直其中禮遇

甚厚宣德元年卒官楊文貞誌其墓

孝弟

吳淳字伯善少與兄同居兄以疾廢元季吳中被兵家人奔潰淳侍兄不去有操刃入室者淳負兄走避復遇亂兵持刃交刺淳以身蔽兄中三十餘創仆地兄兵死淳蘇入陽山

徐滔潞人性至孝親亡廬墓毋遺一竹簪出人貫髻終身不忘張弘祚字斗山其先吳淞人元末徙潞有名慎字南溪者少餼邑庠年高延爲鄉飲賓曾充明世宗藩僚登極後累微不應御書蘭蕙清香匾額并勅賜之四傳生弘祚輕財好義尤篤孝行部使者言潞水直瀉人文不盛弘祚捐腴田開新河以

潞野關志

卷十九

二一

紆水勢又董建葑溪文星閣寓東禪寺時毋朱氏病輩禱於林酒仙忽有飛鴿集案飲酒吐黍而去詢諸僧僧曰酒仙啖人畜鴿索之張口飛出意卽此鴿耶弘祚曰仙救吾毋矣取所吐進毋病卽愈陳文莊公仁錫作瑞鴿記以彰其孝

科目

朱鴻漸字于磐號雲谿宋秘書省正字長文之後少穎慧善屬文庚午舉於鄉庚辰會試幸已廷對成進士授鉛山令潞官郎署出知廣信訓黨州尋訓梧州陞副使備兵天津進湖廣叅政按察使終福建右布政使共在梧州時都御史毛公伯溫討莫登庸兵駐梧鴻漸轉餉給軍幕府悉倚其能安南平

爾書集擢有白金文綺之賜年六十有六曾孫邦禎

朱邦禎號恬宇舉申辰進士爲新淦令五載奏績晉大理評事
出知夔州以廉靖稱陞蒼梧道副使不之官致政歸時年甫
五十里居三十年伉儷咸躋大耋乙酉八月卒

施霖字廷相號白冶白坊里人少穎秀善屬對弱冠補邑諸生
踰強仕始領鄉薦久困公車乃筮仕崇陽令三載改銓遂昌
兩地咸有政蹟屢騰剡章行有異擢而懸車稱老林居十餘
年壽七十部使者某公爲建鳴鳳坊于共里今共裔爲澣著
姓云

周之嶼字渙沙居竹青癸酉舉人甲戌進士歷官儀部祠郎善

澣墅關志

卷十九

三

屬文尤工詩賦碑銘有大家風裁居鄉以和與物無競稱爲
良者已酉卒

高士

陶弼字商翁放蕩吳中行萬安山間見雙鯉戲水上佇觀之旁
一老父調山此能也行且關君宜亟避須更暴風雷雨拔木
覆舟獨弼得免家仁宗時官至上閣門使

李南所名嵩隱居陽山以詩酒自娛性狷介不妄交游日惟憑
几焚香玩易扁所居室爲學易處

岳岱字東山號漳餘嗜學工詩卜築西白龍馬下毛竹千竿筍
特鮮輒作蘭花香今所稱岳園大石筍爲土產第一云喜畫

墨竹枝間綴葉成字年若干卒無嗣

顧元慶字大有大石山人家世黃埭志慕肥遯恣情流覽因遷陽山築草堂盤桓終身所著有陽山新錄

邢參字麗文居澣墅杜門耽書賔至或無茗椀有時薪火斷亦自食冷物戶無寸田未嘗干謁足不輕履友人家早年喪偶終身不再娶祖用理著叱鼠賦人謂參無盆盎之糧并賦可不作也後先相映並稱高士

德望

施澤綿字子長挺秀軼羣攻苦有志小試輒冠軍餽於庠五入棘闈不售後以材行薦會外艱不赴銓乙酉貢入成均年五

澣墅關志

卷十九

四

十六卒學者私謚孝潔先生

夏九功字君敘號秦餘孝友天植性惇樸飲人以和稱爲長者金元壁號企雲先世自蘭谿徙吳養正公名庠者登永樂七年進士官侍郎弟序字養蒙古籍竹青里數傳至雲濱爲名諸生元壁其長子也渾僕淳靜尤敦孝友晚歲再舉鄉飲賔辭不赴卒年七十九

朱希文字范若私謚端仁先生居陽山少孤母周氏性嚴陳遺書課之旁列鋤雙日若不爲士卽佃農終耳因泣受慈訓弱冠隸黌宮母終則鬻產襄事弟歿則恤嫠訓孤暨姻黨間瞻枵槽歿焚券還孥諸懿行不可殫述巳亥學使采其遺行祀

鄉賢祠子四俱諸生孫典甲午舉于鄉庚戌成進士授翰林院檢討

功業

周荃字靜香居膠溪南崗工水墨花草善題咏慷慨有志乙酉

六月

上師次江南授安撫下微版籍民賴以寧出守開封多政蹟歷

官副使壬子歲入

都道卒與澳沙爲昆季澣人稱爲南北二周云

節婦

諸氏年十七爲周相繼妻纔二載相病卒遺孤二長十七次十

澣墅關志

卷十九

五

六齒相鳩行而母儀峻肅次第授室兩孤踰四十先後歿泣

撫諸孫俱成立僉憲靜臺杜公升堂展敬爲文紀之亟稱貞

母云年六十卒

全氏馬塘妻婚兩歲塘歿撫孤元忠十九年將婚復歿聘婦陳

氏年十七聞夫喪奔訃視殮留身事姑備歷艱窘部使楊扁

旌雙節及卒官給葬貲焉

周氏朱十英妻年十七而寡遺腹生子教至成立年六十四而

終郭御史奏旌其門

陸氏生員金永思妻三十而寡撫二孤訓迪有方長子渾中明

萬曆戊午科舉人歷官英德知縣乙丑直指請於朝命有司

建坊旌表六十餘卒

仙釋

支道林嘗往餘杭山沉思道術行吟獨暢文殊寺相傳爲所開
林

嶼雲海禪師傅燈錄有傳道林第一上足化塔在文殊因治地
得其銘

澣墅關志

卷十九

六